

## **Sekolah Cina terus dibangun di sebalik prejudis**

**Malaysiakini.com**

**November 6 ,2011**

**by Sim Kwang Yang**

ULASAN Jika diajukan soalan kepada kebanyakan ibu bapa berpendidikan Cina di Malaysia apa isu yang paling penting membabitkan pendidikan anak-anak mereka, - mereka akan memberitahu anda bahawa ia adalah pembelajaran dalam bahasa ibunda mereka.

damansara school open 030107 representatives Sejak Merdeka, sehingga dekad pertama kemerdekaan, pendidikan bahasa ibunda sentiasa menjadi subjek yang paling emosi bagi sebahagian besar ibu bapa berbangsa Cina.

Aspirasi mereka ini adalah untuk mengekalkan 'kecinaan' dalam masyarakat yang berbilang bangsa.

Namun, usaha masyarakat Cina di Malaysia untuk mendapatkan pendidikan 'vernakular' telah sekian lama ditindas oleh kerajaan BN.

Masyarakat Cina di negara ini terpaksa mengharungi pelbagai rintangan dan halangan dalam meneruskan perjuangan pendidikan bahasa ibunda. Akibatnya banyak krisis politik telah timbul dalam setengah abad yang lalu itu.

Sehingga hari ini, masyarakat Cina bertungkus lumus mendapatkan dana sendiri bagi membiayai sekolah-sekolah menengah Cina dan terpaksa menanggung kos pentadbiran bagi sekolah rendah mereka.

Hari ini terdapat 60 sekolah-sekolah menengah swasta Cina dan lebih seribu sekolah rendah Cina - semuanya dibiayai oleh masyarakat Cina sendiri.

Sekolah-sekolah Cina diuruskan oleh Dong Jiao Zong yang juga dikenali sebagai Persatuan Jawatankuasa Sekolah Cina Bersatu, Malaysia (UCSCAM) .

Dong Jiao Zong adalah gabungan usaha dewan perniagaan Cina dan persatuan suku kaum, termasuk pelbagai persatuan guru. Sepanjang separuh abad yang lalu, mereka berjaya mengumpulkan modal yang amat besar bagi pendidikan masyarakat Cina.

NONE seperti yang tertera di artikel yang ditulis oleh Kua Kia Soong, "sejak 1975, masyarakat Cina

memastikan kualiti Sijil Peperiksaan Bersatu (UEC) di 60 buah sekolah menengah swasta Cina yang mempunyai jumlah enrolmen kira 60,000 pelajar."

Hari ini, sijil berkenaan diiktiraf oleh sebahagian besar negara-negara di mana bahasa Cina dituturkan dan juga di seluruh dunia, kecuali di Malaysia.

Dalam proses transformasi politik yang berterusan, ia sepatutnya menjadi aspirasi semua rakyat Malaysia bagi memastikan sijil UEC diiktiraf oleh kerajaan Malaysia juga.

Copyright © 1999-2007 Mkini Dotcom Sdn. Bhd  
<http://www.malaysiakini.com/news/180646>